

Iamque opus exēgī, quod nec Iovis īra nec īgnis
nec poterit ferrum nec edāx abolēre vetustās.

Cum volet, illa diēs, quae nīl nisi corporis hūius
iūs habet, incertī spatium mihi fīniat aevī:

875 parte tamen meliōre meī super alta perennis
astra ferar, nōmenque erit indēlēbile nostrum,
quāque patet domitīs Rōmāna potentia terrīs,
ōre legar populī, perque omnia saecula fāmā,
sīquid habent vērī vātum praesāgia, vīvam.